

مجموعه ابوالضیا

ماسوا شایسته شدن دلی تطهیر چالش
بر توحمت و عرفان ایله تنویر آتش

علوم و معارفدن بحث ایدره وهرماه عربی ابتداییله اون بشته نشر اولنور فنون غزته-یدره

نومرو ۱۵-جلد ۲ [فی ۱۵ ربیع الآخر سنه ۱۲۹۸] [نسخه سی ۳ فروش]

نوروز سلطانی - ۱۲۹۷

اشبو شهر ربیع الآخرک اون طقوزنجی کونته مصادف اولان
مارت رومینک سکزنجی بازارکونی ۶ ساعت الی دقیقه ۳۶ ثانیه ده
مهر منیر فلک نقطه معتدله فصل ربیع اولان برج حملک ثانیه اولیسنه
نقل ایلمکله روز مذکور مبداء موسم بهار وکافه عروض وبلدانده تساوی
لیل ونهار اولور .

بوسنه ظرفنده وقوع بوله جق خسوف وکسوف

سمت رؤیت

۲۹ مایس افرنجی - کسوف جزئی - آسیا - روسیه

۱۱ حزیران - خسوف کلی - مکسیقا

۲۱ تشرین ثانی - کسوف حلقوی - آنتی پود

۵ کانون اول - خسوف جزئی - چین - پارس

زایجه انقلابات هوا

—

مشاهیر ارباب هیئتدن (مائو دولادروم) ك نامنه منسوب اولهرق
هر سنه نشر ایتدیكى سالنامهده انقلابات هوایییه دائر بر زایجه درج
ایلك معتادیدر .

شوقدر وار که بوزایجه انقلاب فرانسزلك (آسترو لوع) دیدکلی
و بزم احکام فروش اطلاق ایلدیکنز منجمین کهانت آیینک استخراجات
ترهات غایاتی انواعندن اولیوب دلائل فنییه ابله تأید ایتش بر طاقم تجاربدن
و تعبیر اصح آخرله تجاربك فنونه تطبیقندن تحصیل ایتش نتایجدن یعنی
صرف انقلابات هوایییه دائر معلوماتدن عبارت اولدیغی جهتهله همان
اکثریت اوزره واکثر مواسم و بلدانده عینیله، وکونی کونته ظهور ایلر .
راصد مومی الیهک اشبو ۱۸۸۱ سنه میلادیه سی اوائلنده نشر
ایتدیکی سالنامه کبیرنده ایسه بوسنه ظرفنده اوروپا قطعیه سیله دکلزنده
وبعض ممالک و سواحل جنوبیهده ظهوری ملحوظ اولان انقلابات هوایییه
دائر درج ایلدیکی اخباراتك - بو نسخه مزك اول موسم بهار اولان مارت
تصادفی جهتهله - خلاصه مجموعهمزه نقلی مناسب کورلمشدر .

شهور ثلثه ربع :

مارت

ابتدای یاغور و شدید روزکاری ایله مرور ایلده جك . دکلزده
غایت مدھش فورطنه اوله جق در . طقوزندن اون دردینه قدر اورو .
پانك وسطنده هوال بالنسبه لطیف مرور ایلده جك در .
ایرلاندهده و روسیهده قار یاغ جقدر . یکر میسندن یکر می طقوزینه
قدر بحر سفیدهده فورطنه اوله جق و اوروپانك اکثر ممالکنده هوال فنا
بر حالده دوام ایلده جکدر .

فاس و جزایر و تونس سواحله فورتنه اوله جقدر . بو آیده هوا
ضایت متغیر اولوب، آنجق آره صره کوزل کونلر دخی کورینه جکدر .

نیسان

برندن آتیسنه قدر هوال کوزل کیدوب، صباحلری چیک یاغه -
جقدر . (بو کونلرده اطفال نوسالهلری صباحلری طیشاری چیقارمقدن
نه قدر احتراز اولسه بجادر .) بحر محیطده و بحر سفیده شدید روزکارلر
وزان اوله جقدر . اون آتیسندن اون طقوزینه قدر یاغور یاغه جق ایسه ده
پک چوق امتداد ایتمه جکدر . صباحلری زیاده سرینلک حس ایدیه جکدر .
شهر قرینک (یعنی جاذی الاولینک) صوک هفته سنده هوا ینه کسب
اطافت ایده جکدر . بحر سفید ساکن اولوب، قرق تجددی هنکامنده آره
صره یاغور نزول ایلیمه جکدر . علی العموم بو آی ضایت لطیف کنران
ایلیه جک ایسه ده سبره انجماد حسینیه و قبله یتیشه میه جکدر .
عموم اوروپاده صحت عمومی درجه مطلوبه ده اوله جقدر . آغاجلرک
آچلمسنه دقت لازمدر .

میس

نیسان اواخرنده باشلایان یاغور و روزکارلر مایسک آتیسنه قدر
امتداد ایلیمه جکدر . صباحلری واقشاملری ایچمه سرین اوله جقدر . بحر -
سفیده روزکارلر اسوب، فورطنهلر مشاهده ایدیه جکدر . آیک ابتداسنده
اوروپا قطعه سنده هوال همان اکثریت اوزره فنا کیدوب، اون بشندن
یکرمیسنه طوغری دوزله جکدر .
آیک نهایتنده نباتات پک کوزل نشو و نما بوله جقدر . صحتیه اعتنا
لازمدر . بلاد شمالیه ده احوال صحیه درجه مطلوبه ده بولیمه جقدر .

شهور ثلثه فصل صیف :

حزیران

اوچندن دردینه قدر بعض طرفلرده فورتنهلر اوله جقدر . باخصوص

تونس، یونان، و سوریه سواحلندہ ایچہ شدتلی دکرز اولہ جقدر .
 بشندن اون ایکسہ قدر حرارت کسب اشداد ایلہ جقدر . بعض محلارده
طولویاغمدسندن وصولک طغیانندن خوف اولنور . صباحری زیادہ سیلہ
جیک دوشہ جقدر . بحر سفید سواحلندہ حرارت شدیدہ حس اولنہ جقدر .
 (فیلقسہرا) یعنی محب العنب دنیلان علتہ کرفتار اولیان وموسم بہارده
 انجماد ایتامش اولان اوزوم کوتوکری کوزل نشو وغما بولہ جقدر .

تموز

بو آیک ابتدالندہ محل بمحل فورطنہل ظهور ایدہ جقدر . آناطو .
 لی دہ شدید یاغورلی نزول ایدہ جقدر . طویلندن دخی خوف اولنور .
 صحت عمومہنک ممنون اولنہ جق صورتنہ دوام ایتامسندن قورقیلور .
 بعض بلاد جنوبیہ شدید قوراقلق دخی ملحوظدر . بو آیدہ خیلی فور .
 طنہل اولہ جق ایسہدہ هوا علی العموم لطافتلہ گذران ایلہ جقدر .

آگستوس

آگستوسک ابتدالندہ هوا لطافت اوزرہ دوام ایدوب، بشنہ یقین
 بعض محلارده فورطنہل ظهور ایلہ جقدر . بحر سفید سواحلندہ و آناطو .
 ایدہ شدتلی یاغورلی یاغہ جقدر . تجدد قر ایلہ (یعنی غرہ شہر شوالدہ)
 هوا کسب لطافت ایلہ جقدر .

شہور ثلاثہ فصل خریف :

ایلول

ابتدالندہ هوای فنادر . فقط قرق صوکلرینہ طوغری، یعنی ایلولک
 یکر میسندہ هوای کوزلشہ جقدر .

اورویانک بعض جہتلرندہ کثرتلی یاغور یاغوب، جزایر بحر سفیدہ
 ایچہ شدید روزکاری اسہ جقدر . بعض دکرزدہ خصوصیلہ بحرمحیطدہ
 سفینہلجہ خیلی ضایعاتی موجب اولہ جق فورطنہل ظهور ایدہ جقدر .

بوآیده هوای اکثر اوقاتده لطافتله گذران ایلیه جقدر . احوال صبحه
مطلوب درجده اولوب، باغارله محصول قولای دوی شیریه جقدر .

تشرین اول

قرب هسکام هلالنده هوا کوزل اوله جقدر . اقشاملری غایت سرین
اولوب، صوک بهار چیکارندن خوف اولنور . اون بشندن یکرمی اوچنه قدر
یاغورلی یاغه جق وروز کارلی اسه جقدر . دکز زده خیلجه سفینه دل شکست
اوله جقدر . اوروپانک جهت شمالیه سنده قارلی یاغعه باشلایه جقدر .
اون بشندن صکره صخته اعتنای تام کر کدر .

تشرین ثانی

هوا یاغورلی وروز کارلی اوله جقدر . اولاح، بغدادنده و ممالک
عثمانیه نیک سمت شمالنده وقفقاسیاده یوک قارلی یاغوب، عموماً اوروپاده
شتا اشتداد ایلیه جقدر . بحر سفیده شدید فورطنه دل اوله جقدر .
بحر سیاهده دخی شدتلی وروز کارلی ظهور ایده جقدر . فقط سواحل
بحر سفیده بالنسبه کوزل هوای دیرام ایلیه جقدر . بوآیده محل محل هواجه
تغیرات مشاهده ایدیله جقدر . صحت عمومیه مطلوب اولان درجده اولیه .
جقدر . تشرین ثانینک اون اوچندن اتوزینه قدر شدید هوای همان
هر طرفده رونما اوله جقدر .

شهور ثلثه شتا

کانون اول

برندن بشنه قدر برودت شدید و وقوع بوله جقدر . اوروپاده برودت
علی العموم شدید اولوب، بالقاندرده وفرت اوزره قاریاغه جقدر . بحر محیط
و بحر سفیده شدید روز کار و زان اوله جقدر . دکز زده فورطنه دل
خوف اولنور . اوروپاده بعضی ممالکده یاغور، و یک چوق محلارده قار

نزول ایده جکدر . اون اوچنجی، اون دردنجی، اون بدنجی، اون طقوزنجی ویکرمنجی کونلری موجب انجماد اوله جق قوری و سرد روز کارلر اسه . جکدر . دکزل فورطنلی اوله جقدر . بحر سفید سواحلنده بالنسبه هوالی کوزل اوله جقدر . بو ایده اکثریت اوزره هو غایت متحول وبارد اوله . جقدر . صحت عمومییه اعتنای تام کر کدر .

کانون ثانی

بردن یدی به قدر شدید روز کارلر هبوب و بعض محلارده و باخصوص بالقانلرده کثرتله برف نزول ایده جکدر . بحر محیط و بحر سفیده فورتنلر وقوع بوله جقدر . فاس و جزایر و تونس و طرابلس غرب سواحلنده خیلی سرد رکزل اولقله، سفاین مالطیه و بحر سفیدک سائر جزیره لرینده التجایه مجبور اوله جقدر . یک چوق محلارده دخی نزول باراندن نهرلر طغیان ایده . جکدر . روسیه ایله ممالک شمالیه شدت شتا خارق العاده حکمنی اجرا ایده جکدر .

شباط

بدر قرده هوالی فنا کیدوب، بحر سفید سواحلنده سیلار جریان ایده جک؛ قاره دکز ایله آزاق دکزینده یقین ایالتلرده شدتلی قیش وقوع بوله جقدر . عموم اوروپاده و علی الخصوص شمالده هوالر غایت بارد اوله جقدر .

تقویم الزراع

بغدای - فرانسه ده ۶ بقی میلیون هکتاردن طقسان آلتی میلیون هکتولتر قدر حساب متوسط اوزره محصول اوله جقدر .
روسیه ایالات وسطا سنده محصولات فناشه جقدر . رومانیا ده معتاد اوزره اولوب، بر میلیون بش یوز قرق ایکی یک هکتاردن اون ایکی میلیون هکتولتر محصول آلمسی مأمولدر .

سواحل ممالک عثمانیه ده محصول فوق الغایه برکتلی اوله جتی ودا-
خلده دخی بر میلیون یوز قرق ایکی بیك هکتاردن اون میلینون هکتولتر
قدر حساب متوسط اوزره اولدقجه کوزل محصول آلته جقدر .

مصرده دخی محصول کوزل اوله جقدر .

مصر بغدادی ؛ پک زیاده فیضلی در .

آریه ؛ متوسط درجدهده محصول وبره جقدر .

پانچا ؛ محصولی اعلا اوله جقدر .

اوزوم ؛ فرانسه ده، ایتالیا ده و باخصوص سواحل دولت عثمانیه ده
معتاد اوزره اوله جقدر .

زیتون ؛ درجه متوسطه ده محصول وبره جقدر .

میوه وز بسره ؛ فوق الغایه مبدول اوله جقدر .

(الله اعلم بالصواب)

ضیا پاشانک اوان طفولیتی حقننده کی مقاله سی

(مابعد : جزؤ ۱۵)

لایلا، اهل عشق و باغری یانیق بر کیسه ایدی . بکا نظر ترجمه
باقدی ؛ و بر طرز دنوازانه ایله « سنده بو عشق و هوس اولدقجه اومارم که
شاعر اولورسک ! » دیدی . و شعر دنیلان عادتاً سوز اولوب، فقط
اوزان و عروض دیدکلی (فاعلاتن، مفاعلاتن) لک حرکات و سکونته
موافق اولسنی و مصراعلرک آخری بر برینه اویق لازم کله جکنی ییلدیکی
قدر تعریف ایتدکدن صکره، « مادام که شعره هوسک وار ! ابتداکی
نظمک تبرکا بر « نعت نبویه » اولسون . هایدی بو کیچه چالش ! او بولده
برشی یاپوب، یارین بکا کوستر؛ و او ایمان محللرینی دوزلدیرز . بویله بویله
سنده شاعر اولورسک . » دیدی . و شعرک ردیف لری « یار رسول الله »
اولسنی توصیه ایلدی .